



**UNI EROPA
Misi Pemantauan Pilkada
Aceh 2006/2007**

Masyarakat Aceh kariwang teuma geubri suara di Aceh Barat dan Aceh Barat Daya lam putaran keuduwa Pilkada nyang ka geupeujak-awieh lam dame, gleeh dan teu-atoe bah tapileh Bupati dan Waki Bupati di daerahnya.

PENYATA AKAN KESIMPULAN AWAI DAN HASEE MEUTEUMEI AWAI

Aceh, Indonesia, 6 Maret 2007

Putaran keuduwa Pilkada di Aceh Barat Dan Aceh Barat Daya nyang kaleuh nibak tanggai 4 buleuen Maret 2007 na keuh saboh sambongan akhe dari Pilkada putaran phon nyang meusijarah that bak tanggai 11 buleuen Desember 2006. Manduwa putaran pilkada nyang akan meulapeih dan meusigak seureta teutap hatee ra'yat Aceh peukong dame bak jaroe. Uroe peumilehan jihak lam dame dan meusaneut, dum peumileh rhoh lam jumlah rayeuk, tan na lapuran masalah di Aceh Barat Daya. Di Aceh Barat, na keuh meujampu jaroe milite seureuta tudohan diteugon le duwa kandidat dan pendukung GAM rab uroe peuneucok suara. Pemantau dari Misi Pemantauan Pilkada Uni Eropa tan dibie idin tamong memantau buet nibak padum pat TPS. Dan nyang na keuh saboh peulanggaran dari perjanjian nyang kaleuh sama-sama pakat teken antara lembaga-lembaga peumilehan tingkat provinsi. Misi Pemantauan Pilkada Uni Eropa peucaya bahwasanjih sampoe 'an jinoe keurija Pilkada di duwa kabupaten nyan jeut takheun sep jeut keubuet.

Misi Pemantauan Pilkada Uni Eropa (EU EOM) ka na di Aceh dari tanggai 30 buleuen Oktober 2006, meuneumat bak undangan dari Pemerintah Republik Indonesia dan Komisi Independen Pemilihan (KIP) Provinsi Nanggroe Aceh Darussalam. Nyang mat pimpinan missi nyoe Glyn Ford, sidroe anggota Parlemen Eropa (MEP). EU EOM kaleuh dipantau keurija Pilkada lagee kheun Deklarasi Dasar-Dasar Pemantauan Pemilihan Internasional nyang ka disetujui le Perserikatan Bangsa-Bangsa (PBB) di New York nibak tanggai 12 buleun Februari 2005. Ban leuh pantau Pilkada putaran phon nyang kaleuh bak tanggai 11 buleun Desember 2006, misi nyoe riwang keulayi u Aceh saweub na pemantauan Pilkada putaran keuduwa bak tanggai 4 buleun Maret 2007 Di Kabupaten Aceh Barat dan Kabupaten Aceh Barat Daya, nyang geu-ikot le calon bupati dan waki bupati nyang hana sep meuteumeung suara bah teupileh lam putaran phon. Nibak uroe peumilehan, Misi nyoe geujok tugas bak 14 droe pemantau dari nanggroe-nanggroe Uni Eropa meutamah ngon Kanada, Norwegia, dan Swiss, jak tron u kabupaten-kabupaten nyang meuseubot di ateuh bunoe seureuta jak saweu 67 teumpat peuneucok suara (TPS) ban mandum kecamatan (kira-kira 10 persen). EU EOM saat nyoe teungoh pantau tabulasi dari hasee dan akan teutap disinoe di Aceh sampoe 'an pengumuman hasee le KIP tingkat Kabupaten.



Kesimpulan Awai

- Pilkada putaran keuduwa nyang kaleuh nibak tanggai 4 buleun Maret 2007 na keuh geupeutimang dengan jroh, glah, sep meutunang dan dame. Petugas bak Teupat Peuneucok Suara (TPS) cukup that get lam keurija sampoe hana leumah kiroh lam Pilkada, bah pih keurija lam santai. Mandum peumileh kon dit, cukup jai nyang ikot, paleng jai ureueng gampong, deungon teunang dan meusaneut, dan jeut geubie suara langsung keu kandidat Bupati dan Waki Bupati pilehan maseng-maseng.
- Leuh dilua narit bahwa na meujampu jaroe dan teukanan pihak milite dan GAM ateuh para calon dan petugas peumilehan di Aceh Barat, Pilkada putaran keuduwa yang geupeuna bak tanggai 4 buleun Maret di duwa kabupaten cukup dame dan meusaneut, dan para peumileh bebas meugrak keuno-keudeih jak bi suara lam bilek.
- Namun, Misi seupat leumah teukalon na aparat milite rhoh lam keurija peumilehan deungon cara peusapat peukateun peumilehan leupah nak top teupat peuneucok suara di Kecamatan Samatiga, Aceh Barat. Na keuh nyan saboh peulanggaran ateuh atoran Pilkada.
- Misi pih meu-lah that saweub ditulak han jeut tamong tujuh pat Teupat Peuneucok Suara (TPS) di Aceh Barat, padahai sigohlom nyan kaleuh mupeuget surat janji nyang geuteken le petugas peumilehan tingkat provinsi dan meurumpok jaminan dari awak peumilehan tingkat kabupaten.
- Meukeumah-peukeumah Pilkada dan masa kampanye na keuh meupeulaku lam lingka nyang teubuka dan bebas dan jeut keu ceureumen saleng hormat, jeut meukumpoi dan meudiwana. Kampanye pih teupeujak bak roet droe deungon bebas lam batas nyang hana that meu-ikat.
- Na keuh rab troh 3000 droe mandum peumileh dari duwa kabupaten, walau pih tingkat meutamah ureueng kureueng dari 200 droe di Aceh Barat. Atoran nyang geupeuteubit le KIP keu Pilkada putaran keuduwa kameuganto syarat umu peumileh nyang jeut seumileh menyoe ka 17 thon saat Pilkada putara keuduwa. Aceh Barat na 106.539 peumileh dan meutamah 179 droe, dari Aceh Barat Daya digrop leupah manyang dari angka 74.204 peumileh jeut 76.966 droe deungon meuningkat 2.762 droe.
- Komisi Independen Pemilihan (KIP) meuteumeung rayeuk kepercayaan dari masyarakat seubab leupah ka geupeuget pilkada yang gleeh, adee dan glah, bah pih na padum pat nyang kureueung secara logistic.



- **PANWASLIH** nyang mat keumudoe bak peuglah mandum soal-soal nyang na dan sigoe cit seubagoe peumantau lam Pilkada putaran keuduwa na keuh meuharok keurija nyang beda. Di Aceh Barat, sen baro dipeuteubit lhee uroe karab uroe peumilihan, jadi sen nyan hana that meupengaroh. Namun di Aceh Barat Daya, PANWASLIH troh teuka karab leubeh sikhian dari jumlah TPS nyang ji nak ngin le Misi Pemantau Uni Eropa.
- Media nyang na di tingkat kabupaten cit kaleuh keurija mandum guna memberitakan proses Pilkada, kureueng leubeh dituleh le Media Tingkat Provinsi dan dihiree le media tingkat nasional.
- Beda dari Pilkada putaran phon, hana le leumah di lapangan pemantau dalam nanggroe bak TPS-TPS di duwa kabupaten nyan. Nyoe mungkin hana le sep sen keu pemantauan 661 TPS nyan na.
- Keurija nyang rhoh ureueng inong sinan mantong sagai lam batas petugas TPS di Pilkada putaran phon, meunan cit lam putaran keuduwa saweub hana that rame perobahan anggota. Bah pih deuh teukalon ureueng inong sama-sama keureuja seubagoe petugas TPS, teutapi tan na sidroe pih ureueng inong nyang jeut keu ketua TPS dari TPS-TPS nyang ka troh Pemantau Uni Eropa. Pih meunan ureueng inong kaleuh geungui hak pileh dengan jroh dan meusaneut.
- Atoran meukayeit peuneucok suara get that geupateih le petugas TPS seureuta rahsia surat suara ka geujaga deungon jroh. Hana sapuena halangan nyang meuganggu dan ban mandum saksi-saksi dari para calon troh bak TPS yang dipantau le Misi.
- Pakri cara bileueng suara pih kaleuh teupeulaku deungon jroh di TPS-TPS nyang dipantau, dan saksi-saksi dari para calon troh mandum disinan. Namun, bak seutengoh bagian TPS, duplikat dari hasee perhitungan suara hana dipasang tapi lheuh meunan keudroe dari atoran nyang kana.
- Misi Pemantauan Pilkada Uni Eropa geupeusampoe bak mandum calon dan ulee kawan politek seulaweit nyoe nyang na di Aceh supaya geubi tabek dan saleng hormat bak peutimang beujroh Nota Kesepahaman nyang ka geuteken le para kandidat. Seureuta beukong tamat janji keu dame Pilkada. Masalah-masalah nyang na akan tapeuglah melalui jalan nyang kana yakni lam laporan nyang ka diatoe lam atoran peumilihan. PANWASLIH seureuta lembaga-lembaga peumilihan cit wajebe mubuet lam seulidek tiap kesalahan, tapupasti kepercayaan masyarakat wate ka habeh Pilkada dan Pilkada teutap utoh.



Hasee akhe dari buet Pilkada nyoe meugantong nibak hasee akhee dari proses Pilkada, teumasok lam nyan lapuran-lapuran dan keluhan-keluhan. Misi Pemantau Pilkada Uni Eropa akan teutap na di Aceh sampoe 'an tanggai 20 buleun Maret 2007, dan akan sigra geupeuteubit lapuran-lapuran akhee meukayeit ngon manduwa putaran Pilkada nyang ka tapuebuet lam sibuleuen eunteuk 'oh mandum buet Pilkada nyoe seuleusoe. Akan na cit seunurat keuneubah seubagoe peuneugah nyang dhiet keu bahan tapeutimang Pilkada teuma ukeu nyang leubeh jroh lom.

Misi Pemantau Pilkada Uni Eropa geupeutroh teurimong geunaseh keu Waki Presiden M. Jusuf Kalla, Menteri Luar Negeri dan Menteri dalam Negeri, Komisi Independen Pemilihan (KIP) dan PANWASLIH Aceh Barat dan Aceh Barat Daya, Gubernur Aceh dan pihak-pihak meukayeit laen lagee awak media massa, peulisi, dan organisasi masyarakat sipil ateuh mamandum bantuan nyang ka geujok lam Misi nyoe geupeujak. Misi Pemantauan Pilkada Uni Eropa geupeutroh cit teurimong geunaseh nyang lambong keu ra'yat Aceh, utama that keu masyarakat Aceh Barat dan Aceh Barat Daya, ateuh sambotan jroh dan hangat.

Hasee Nyang Awai Meuteumeung

Lapek likot

Masyarakat Aceh geuriwang teuma keudeih u bilek-bilek teupat seumileh waki-waki ra'yat lam Pilkada nibak tanggai 4 buleun Maret 2007. Nibak tanggai 11 buleun Desember 2006 nyang ka, dum peumileh nyan na nibak kali keu phon nyoe ka keumah geupileh sidroe Gubernur Provinsi Nanggroe Aceh Darussalam secara langsung seureuta Walikota dan Bupati ateuh 19 dari 21 kabupaten, dan keu phon that-that ka keumah geupileh waki-waki dari jalur independen. Jinoe, di Aceh Barat dan Aceh Barat Daya dum peumileh sideih ka geuriwang keulayi tamong bilek, geutop gamba dan geupasoe kartu pilehan lam tong suara keu calon Bupati dan waki Bupati nyang lam putaran phon gohlom meurumpok 25 persen suara tamah saboh bah jeut seubagoe pemeunang. Leubeh nibak nyan, di wilayah laen nyang seunaseb lagee nyan yakni di Aceh Tamiang, putaran keu duwa akan geupeuna bak tanggai 24 buleun Mei 2007 nyoe saweub that kureueng sarana pendukong nyang na, kahabeh jipeunom ie raya teuka di kabupaten nyan.

Keurija buet peumilehan nyang ka geupeujak lam dame dan sep meusaneut bak manduwa kabupaten nyan maken get keunira bahwa ra'yat Aceh kasaboh pakat jaga perdameyan dan demokrasi di provinsi Nanggroe Aceh Darussalam, 'oh leuh masa haro-hara lam karu 30 thon meusambong geumpa raya teuka ie beuna. Pilkada nyoe adalah bagian peunteung dari mandum keurija dame nyang ka meusurat lam Nota Kesepahaman nyang geuteken bak thon 2005 antara Pemerintah Republik Indonesia deungon Geurakan Aceh Merdeka (GAM). Duwa calon dari jalur independen, salah sidroe dari nyang na dukongan



dari Geurakan Aceh Merdeka saleng meutunang bah jeut keu Bupati Aceh Barat; pasangan Ramli MS dan Fuadri S meutunang ngon pasangan H. Iskandar dan Chudri Yunus. Di laen teupat, ra'yat Aceh Barat Daya kaleuh geupileh duwa pasang calon nyang na keuh didukung le Pareutei Islam moderat yakni; Akmal Ibrahim dan Syamsurizal M. dari Partai Amanat Nasional (PAN) meutunang ngon Sulaiman Adami dan Munir H. Ubit dari Partai Kebangkitan Bangsa (PKB) dan Partai Merdeka.

Namun meunan, na cit hai-hai lagee awai lam buet peusiap Pilkada. Petugas peumilehan dan para calon di Aceh Barat na keuh geukeuloh ateuh teukanan dari Militer dan GAM seulaye peusiap Pilkada dan masa kampanye. Awak petugas peumilehan di Aceh Barat Daya geupeutroh haba teumakot bahwa calon nyang tan meunang lam putaran phon meulah daya pakat ureueng bek le seumileh dan na wartawan nyang keunong dhot bak ureueng GAM. Pih lagee nyan, nibak uroe peumilehan teuka, pemantau dari Misi Pemantauan Pilkada Uni Eropa hana sapue geuteumeung teukanan dan seubagoe jih nyang mungken meutham-theun ureueng jak meumileh. Nibak tanggai 4 buleuen Maret, buet Pilkada lam duwa Kabupaten nyan na keuh jroh lam damee lagi meusaneut, teuma na bacut meurampoe jaroe militer seureta putosan mendadak awak petugas peumilehan bak padit pat teupat peumilehan meutham teuka Misi Pemantauan Pemilihan Uni Eropa, nyang peuguet Pilkada deuh tan that ceudah.

Peuneugah Undang-Undang dan Hukum

Pilkada putaran keu duwa di Aceh Barat dan Aceh Barat Daya adalah keurija sambong dari Pilkada thon 2006, saweub disinan na keuh dua pasang kandidat saree meunang paleng ateuh tapi tan sidroe pih meurahop suara “25 persen leubeuh saboh” dari mandum suara nyang na, jadi geubri keulayi kesempatan meutunang bah jeut keu Bupati dan Waki Bupati. Mandum atoran dan seunudeuk hukum nyang geupeujak lam Pilkada putaran phon geungui teuma lam putaran keu duwa. Namun meunan, KIP Aceh geupeujak dua set atoran baro bah canden buet watee kampanye dan pembukaaan keulayi pendaftaran peumileh. Putaran keu duwa geujadwalkan akan geupeuna 60 uroe leupah pengumuman hasee dari Pilkada putaran phon. Peumilehan di Aceh Barat dan Aceh Barat Daya dudoe geupeuna nibak tanggai 4 buleuen Maret 2007. Pasangan paleng lee suara sigra geupeuduek ke Bupati dan Waki Bupati nyang baro.

KIP Aceh peuteutap watee kampanye lhee uroe meusambong masa teunang lhee uroe sigohlom tamong uroe seumileh. Beda ngon putaran phon, wujud kampanye cit jeut peulaku lam “pertemuan terbatas dalam ruweueng teutop”. Makeusud jih hanjeut di lapangan atawa ruweung teuhah. KIP Aceh peusurat syarat-syarat baro lam pendaftaran peumileh bah na hak pileh. Meulaen ngon atoran putaran phon nyang puewajib sidroe-droe ureueng “nyang ka troh umu 17 thon bak uroe akhee peumilehan”, peratoran no. 1/2007 geuganto batas umu “katroh 17 thon sigoh uroe peumilehan”.

PANWASLIH, badan pemantau Pilkada hana teurimong haba dan peuneugah resmi sigoh uroe peumilehan dan leupah uroe nyan.



Administrasi Pilkada

KIP nyang na di duwa kabupaten sereuta KIP tingkat kecamatan (PPK) dan tingkat gampong (PPG) ka meurumpok kepercayaan dari masyarakat. Useuha bak peugot Pilkada yang gleh dan glah kameuhila lam tiep tingkat di tuboh KIP, bah pih seumpat tan pasti hai peuteubit sen keu geupeuna Pilkada di duwa Kabupaten bunoe. Leupah saleng meukheun ban mandum anggota PANWASLIH ateuh keunira han keumah peujak keurija, teuma akhee buet DPRD Aceh Barat pih sapue kheun han peuteubit sen padit pereule keu dana keurija Badan Pemantau Pilkada sampoe 'an dua uroe sigoh lom uroe peumilehan teuka. Wap sen nyan teulat diteubit ka meugangu awaknyan bak peugot pelatihan keu petugas peumilehan lagee di Aceh Barat Daya. Di sideih watee pelatihan dipeupaneuk, simulasi Pilkada hana jadeh, tamah lom haba mendadak geupeusampoe bak peumileh han teupat wate, miseu jih peukara ganto cara kirem seunurat undangan nyang meukarat-karat di Aceh Barat.

Pih meunan, watee nyan ka geubouh atoe-peuteuntee lam almanak Pilkada mandum pah ngon buet nyang geupeujak, meunan cit peukateun nyang hana sensitif teu-intat teupat bak watee. Meuseuraya antara petugas peumilehan ngon calon Bupati lam putaran keu duwa nyoe mantong teuhroe dan sep that peunteung bagi kepercayaan antara badan-badan nyang peujak keurija Pilkada sampoe uroe peumilehan. Contoh, punca buet hassee meuseuraya nyan na keuh saleng teken para calon ateuh seunurat Nota Kesepahaman baro seubagoe pengikat para calon lam Pilkada dame dan meusaneut. Di Aceh Barat, lembaga-lembaga Pilkada dan para kandidat peusaboh kheun dan seumateih ateuh Nota Kesepahaman nyang kaleuh geuteken lam putaran phon awai.

Pendaftaran Peumileh

KIP kaleuh peuteutap duwa atoran bak awai thon 2007 meukayeit deungon hai kampanye dan pembukaan teuma pendaftaran peumileh keu Pilkada putaran keu duwa di Aceh Barat dan Aceh Barat Daya. Keunira akan meutamah peumileh nyang nak meundaftar cit bacut sagai yakni 179 droe di Aceh Barat. Di Aceh Barat Daya, karap 3000 droe peumileh nyang ka keumah meundaftar hingga na keuh 76.966 droe meuteumei hak pileh lam Pilkada putaran keu duwa di Kabupaten nyan. Kureueng na program-program pelatihan peumilehan lam putara keuduwa na cit jeut keuseubab utama hana meutamah na peumileh baron yang meundaftar.

Sigoh-Peumilehan dan Kampanye

Buet rab uroe peuneucok suara dan kampanye geupeujak lam lingka teuhah teubuka, nyang sinan na keuh geutanyoe cit that dihormati hak keu bebas seumikee, meusigak, meukumpoi dan meutumpok. Gamba-gamba teubuka bahan-bahan Pilkada dan gamba-gamba kandidat lam kuta hana that leumah dan cit that alakadar di gampong-gampong. Masalah utama nyang teuka lam masa rab uroe peuneucok su meupunca balek nibak buet



UNI EROPA
Misi Pemantauan Pilkada
Aceh 2006/2007

mupakat antara awak petugas peumilehan dan anggota DPRD perihai sen Pilkada. Para calon cit na watee lhee uroe bak peuget kampanye (26, 27, 28 Februari) lam ruweueng teutop dan di teupat nyang ka geupeuteuntee le KIP. Bah pih na cit “kampanye bagah” dipeu-sa seubagoe “peuturi” le awak petugas peumilehan, tapi hana masalah rayeuk nyang ditroh dilapur bak Misi lam Pilkada nyang jroh nyoe. Para calon hana pih geusanggah pue nyang kajeut keu-asoe atoran baro KIP Provinsi sigoh geupeugah dilee bak KIP Kabupaten. Pih meunan lam peugah haba ngon anggota Misi ramee para calon sosah deungon watee nyang paneuk keu kampanye dan nyang paling goi tan na bagi-bagi haba tron pakat sama-sama sigohlom na atoran baro nyan.

Misi Pemantauan Pilkada Uni Eropa na keuh geunging peyasan kampanye nyang hana ramee lagee awai lam putaran phon saweub kampanye deungon ureueng nyang ka dibatasi sereuta dari pinto keu pinto. Kampanye lam ruweueng teutop cit na di kota, dan padum droe calon geupileh jak saweu syedara di gampong-gampong jioh meuhad kampanye teutop ngon ureueng hana ramee. Uroe kampanye nyang paneuk that-that han mungkin jeut keu cara peu-ek teuma seumangat para peumileh, nyang troh lam ruweueng teutop nyan tapi keunira pasti jumlah pasti diyub atra nyang ka dipateueng le tim sukses para calon. Pih bah meunan, peurangui pasif para peumileh hana wap sapue bak uroe peuneucok suara nyang sama ramee lagee putaran keu phon nibak tanggal 11 buleuen Desember 2007.

Milite dan GAM

That meulaen deungon Pilkada putaran phon, pemantau dari Misi Pemantauan Pilkada Uni Eropa na keuh geuteurimong haba dari awak petugas peumilehan dan calon masalah teukanan dan jampu jaroe oknum dari TNI dan GAM. Ramli MS, calon nyang meurumpok dukungan dari GAM, geumeurawi bak Pemantau Uni Eropa nibak masalah nyang na bak uroe Seulanyan, tanggal 27 buleun Februari di Kecamatan pante Ceureumen. Masa nyan sidroe ulee kawan milite geu-undang mandum geuchik nyang na disinan bak saboh rapat deungon saboh peunutoh “pakriban cara bek tameumileh”. Sidroe geuchik Tegal Sari, Sukimin geupeubeutoi bahwa na rapat nyan bak Pemantau Uni Eropa deungon bahwa aparat a) bri peringatan bak geuchik mandum bahwa akan na ureueng atawa lembaga nyang nak peunak merdeka Aceh, dan nyang tan mungkin bagi Aceh meure dari Indonesia. b) bri inget bek sagai peugah haba nibak uroe peumilehan dan c) peunyata bahwasanjih peulisi dan pemantau han jeut tamong lam wilayah teupat peunecok suara (TPS), dan para pemantau hanjeut teumanyong sapue bak awak petuga peumilehan sampoe ‘an hasee perhitongan seulesoe. Seubagoe jaweub buet di ateuh, mupadum droe awak PPG dan PPK dibri thei pemantau Uni Eropa nyang bahwa meunyoe TNI sep that jiteugon atawa jipeuleumah kri cara meumileh, maka ureueng akan geudengoe sagai leuh nyan akan geubri suara lam bilek kriban nyang get kheun hatee droe keudroe.

Ramli geupeutroh hai nyang sa cit keu Pemantau Uni Eropa yakni geurak milite meutamah deungon latihan-latihan lam malam-malam nyang rab that ngon gampong Pasi



Aceh (kecamatan Meureubo, na keuh penduduk 'an 300 droe) nyang rame awak GAM awai tinggai. Ramli dan LSM asoe lhok 'ASOH' peutroh cit haba keu Pemantau Uni Eropa perihai na keuh teukanan aparat milite di gampong Gunong Kleng, kecamatan Meureubo. Lam lapuran ureueng nyan, TNI diyue peuleumah dompet dari balum, sangkira na jiteumei logo GAM atawa gamba kandidat GAM, na keuh ureueng nyang di dhot-droh.

Lam saboh pertemuan Dandim TNI ngon padum droe petugas peumilehan seureuta perwakilan para kandidat nibak uroe Jumeu'at tanggai 2 buleuen Maret 2007, waki ulee kawan DPRD, Tjut Agam dari pareutei Golkar geupeutroh haba ngon curiga keu pemantau Uni Eropa. Geutanyong "puena pereule dilee awaknyan keuno?"

Lawan tunang Ramli lam Pilkada putaran keu duwa, H. Iskandar geupeutunyok bak pemantau Uni Eropa saboh SMS nyang geuteurimong gobnyan dan na padum droe nyang laen bak tanggai 28 buleuen Februari 2007. Lam SMS nyan na keuh gamba Beude AK-47 sira meutuleh "menyoe tan neupileh no.10 (numboi Ramli) ka muprang lom". Tapi Iskandar hana geupeutroh bak PANWASLIH saweub hana galak hai nyan dithei leubeh luwah. Gobnyan geukheun cit bak Uni Eropa nyang bahwa gobnyan han geuteurimong menyoe Ramli meunang lam tunang dudo. Gobnyan akan peu-ek peukara bak pengadilan meudaleh "buet Ramli meulanggar atoran".

Seubagoe tamah, duwa wartawan *Seuramoe* (suratkaba mingguan di Aceh Barat) na cit teurimong SMS nyan mungken dari GAM deungon pesan "nyoe meuheut udeep, im". Salah sidroe dari waratwan nyan, Dhaira Ma dari Aceh Barat Daya, anggota PANWASLIH Kabupaten cit mewakili pihak media geupeunyata nyang bahwa gobnyan kaleuh melapur kepada PANWASLIH Aceh Barat Daya dan peulisi. Laen wartawan Aceh Barat nyang tan dilapor kasus nyan.

Pemantau Pilkada 'Asoe lhok' dan Masyarakat Sipil

Meulaen ngon Pilkada putaran phon, hana saboh LSM nyan lakee tanda peusah jeut keu pemantau putaran keu duwa bak KIP Kabupaten. Alasan utama dari masyarakat Sipil saweub ka dit that dana. Pih meunan, saboh LSM dari Banda Aceh 'e-Card' gabungan LSM saboh nan "JURDIL", ka dipeutron 61 droe relawan nak peuget "bileueng bagah (quick qount)" di Aceh Barat.

Media

Media lam pantauan Misi Pemantau Uni Eropa di Aceh Barat dan Aceh Barat Daya kasep that lengkap jipeuna berita dan diskusi perihai Pilkada, mandum sampoe para kandidat. Paleng rayeuk dari buet nyan jipuebuet le radio swasta, teuma suratkaba tingkat provinsi dan paleng akhee suratkaba mingguan lokal. Mandum kandidat ditamong secara imbang lam media, jatah liputan nyan sama. Namun, para kandidat karab tan sigo pih diliput le suratkaba atawa TV nasional. Radio asoe lhok peulengkap acara awaknyan deungon



wacana khas, meudawa kandidat, cang panah, dan siarana langsung. Hana iklan nyang dibayeu le man peut kandidat dari duwa kabupaten nyan.

Liputan media di ateuh leubeh le netral siputa berita provinsi dan kabupaten. Namun laen ngon *Seuramoe Aceh*, suratkaba mingguan Aceh Barat nyang lam minggu-minggu akhee sigohlom uroe seumileh ka brat deuh arah dukongan keu Akmal Ibrahim dan Syamsurizal M, pasangan nyan teuduek bak numboi duwa lam Pilkada putaran phon di Aceh Barat Daya.

Lembaga sah nyan po buet pantau media, Komisi Penyiaran Indonesia (KPI) dan Dewan Pers (DP) hana rhoh saho seulayeul masa kampanye. Bah pih meunan, bek na anggapan lembaga nyang tan na keurija, saweub watee kampanye cukup that paneuk, cit lhee uroe sagai.

Media di Aceh Barat dan Aceh Barat Daya kasep that jroh lam tingkat kebebasan seulaweit leupah geuteken Nota Kesepahaman Dame bak thon 2005. Radio swasta asoe lhok jeut keu saboh teupat asai paleng awai haba dan berita perihai Pilkada putaran keu duwa nibak dua kabupaten nyan.

Di Aceh Barat, Dalka FM cit radio nyan paleng ramei peundengoe jih sama lagei Fatali FM di Aceh Barat Daya. Fatali FM teudong ngon bantuan sen dari Peumerintah Peurancis keu dibloe alat brat dan pelatihan paleng get keu wartawan radio nyan. Hana meusaboh iklan pih nyan dibayeu le mam peut calon nyan.

Hasee Pemantauan Media

Media ‘asoe lhok’ nyang dipantau le Misi Pemantau Pilkada Uni Eropa kaleuh jiseudia berita dan cah haba perihai peumilehan Bupati dan calon meukayeit. Tapi beurita dari suratkaba dan Tivi nasional seureuta suratkaba provinsi that kureueng liputan jih. Dalka FM (Aceh Barat) kasep that teutap hatee bak liput Pilkada. Sama seumiseu Fatali FM (Aceh Barat Daya) nyang ka diliput mamandum nyang meu-intu ngon Pilkada dan para calon dari awai. Suratkaba *Seuramoe Aceh* dan *Geunta* nyang dipeuteubit di Aceh Barat cukup luah dan raya na kolom-kolom keu liputan Pilkada di duwa kabupaten dan para calon nyan. Namun meunan, seubab dit that nyang langganan dan diteubit pih siminggu sigoe sagai, maka pengaruh koran nyan pih leumoh seubagoe uram haba Pilkada. Suratkaba Provinsi Aceh *Serambi* dan *Rakyat Aceh* cit that seumpit meulungkik ruweueng keu hai manduwa Pilkada, bah pih deuh galak raya bak peutimang Pilkada Aceh Barat Daya dibanding Aceh Barat. Suratkaba *Waspada* nyang jipeuteubit di Provinsi Sumatera Utara, na keuh ruweueng teutap perihai Aceh dan na haba beurita leubeh le keu Aceh Barat Daya dan Aceh Barat dibanding suratkaba provinsi Aceh.

Radio; Stasiun ‘asoe lhok’ swasta na keuh laporan nyan sep that na dan sep meu-asoe perihai Pilkada dan para calon. Hai nyoe cukup jioh beda deungon liputan beurita dari Tivi dan suratkaba daerah seureuta suratkaba nasional nyang tan hirou Pilkada. Seulayeul



UNI EROPA Misi Pemantauan Pilkada Aceh 2006/2007

jeum siar teungoh ramee jideungou le ureueng dan seumpat dipantau le Misi Pemantauan Pilkada Uni Eropa, stasion 'asoe lhok' swasta utama nyang na di Aceh Barat dan Aceh Barat Daya (Dalka FM dan Fatali FM) sagai nyang sep canden lam bri beurita imbang keu mandum calon. Dalka FM jijok liputan 50 persen keu duwa pasang kandidat di Aceh Barat. Fatali FM jijok cit prosentase liputan 50 persen keu duwa pasangan kandidat di Aceh Barat Daya. Radio nyan manduwa netral seulayeue Pilkada.

Suratkaba: suratkaba 'asoe lhok' *Seuramoe Aceh* dan *Geunta* jipeuhah luwah ruweueng lam koran keu bhah Pilkada. *Geunta* meulimeuh beurita netral lam liputan Pilkada di Aceh Barat dan hana troh keudeih u Aceh Barat Daya. Teuma di *Seuramoe Aceh* deuh that meusiblah gaki bak sidroe kandidat deungon liputan beurita Akmal dan Syamsurizal lhee kali leubeh (71 persen) dibanding lawan tunang Sulaiman Adam dan Munir H. Ubit (29 persen). Suratkaba provinsi cit sagai liputan bacut keu para kandidat di duwa kabupaten tapi sep that imbang bagi ruweueng mandung kandidat. Suratkaba *Serambi* nyang paleng le liputan (60 persen), meusambong *Waspada* (27 persen) dan teu-akhee *Rakyat Aceh* (7 persen). Suratkaba nasional na keuh *Kompas*, *Republika* dan *Media Indonesia* nyang trang-trangan laju tan dipakou Pilkada nyan.

Televisi: Jeut takheun hana meusaboh stasion TV atra Negara nyang meliput Pilkada. Televisi Republik Indonesia (TVRI) na seumpat dilhoh gamba sekitar lhee minet dan lhee ploh detik perihai Pilkada seulayeue pemantauan dua minggu sampoe 'an rab uroe peuneucok suara.

Peuneurhoh Ureueng Inong

Tan na meusidroe pih calon dari ureueng inong dalam peut droe kandidat Pilkada putaran keu duwa. Diantara petugas peumilehan, peuneurhoh ureueng inong that ubiet lapak lam Pilkada putaran keu duwa sama langai ngon Pilkada putaran phon; dari 475 petugas teupat peuneucok suara (TPS) di Kecamatan Woyla Barat, Woyla Timur dan Woyla di Aceh Barat cit lhee droe sagai ureueng inong. Di Kaway Aceh Barat, kureueng dari siploh persen peserta pelatihan na keuh ureueng inong. Sabee that lagee Pilkada putaran phon, pemantau Uni Eropa hana teunging na peyasan kampanye nyang meulah daya keu ureueng inong hingga patot tan na rame ureueng inong troh teuka lam peyasan kampanye nyan. Bah pih meunan, sebahgian rayeuk calon peuturi droe meusawak sigoe ngon keluarga besar awaknyan. Para sambinoe atawa po rumoh awaknyan biasajih akan saleng meupeurab-rab ngon ureueng inong sagoe calon laen bah teuga meu-ikat hubungan antar calon dan peumileh inong.

Uroe Peuneucok Suara

Misi Pemantau Pilkada Uni Eropa kaleuh geubi tugas tron lapangan ateuh 12 pemantau Internasional jak saweu 67 teupat peuneucok suara, atawa 10 persen dari mandum teupat peuneucok suara nyang na di duwa kabupaten (8 persen dari 461 di Aceh Barat, dan 15 persen dari 200 di Aceh Barat Daya). Di awaknyan memantau buet peukeumah



Pilkada, pembukaan uroe peuneucok su, kumpoi su, dan bileueng su di Aceh Barat dan Aceh Barat Daya.

Pih meunan, Misi Pemantauan Pilkada Uni Eropa meulah rayeuk saweub ditulak tamong nibak padum pat teumpat peuneucok suara di Aceh Barat padahai kajipeungon le Komisi Independen Pemilihan (KIP) ditamah lom hak pantau bagi mandum buet peuneucok suara dan bileueng suara nyang ka sama geuteken awai le awak petugas-petugas Pilkada. Peulanggarang nyoe na keuh di peut pat teumpat peuneucok suara di padit kecamatan di Meulaboh, maseng-maseng sigoe di Kecamatan Samatiga, Kaway XVI dan Bubon. Ulee kawan teumpat peuneucok suara di Samatiga geupeuleumah surat nyang jipeuteubit le Komisi Pemantauan Kecamatan (PPK) nyang meucap tanggai 2 buleun Maret 2007 deungon amaran keu awak petugas peumilehan untuk tulak mandum, pih kateuka keunan, para pemantau Pilkada.

Uroe peuneucok Suara di Aceh Barat dan Aceh Barat Daya jijak lam dame dan meusaneut. Dum peumileh ikot rhoh lam ureueng rame that lagee Pilkada putaran phon bak tanggai 11 buleun Desember 2006. Buet teumeutob gamba ateuh kereutah pih jijak mameh ban mamdum teumpat peuneucok suara. Misi Pemantauan Pilkada Uni Eropa tan na teunging alasan dan musabab mupihak, mandum netral dari anggota dan petugas teumpat peuneucok suara. Keamanan cukup terjaga dan jroh. Tapi, di kecamatan Samatiga Aceh Barat, pemantau keumah mencatat bahwa na aparat milite nyang teurimong hasee peuneucok suara dari teumpat peuneucok suara seureuta materi Pilkada. Saweub buet nyan that glah jeulas Pilkada kakureueng gleh.

Pemantau Uni Eropa na keuh simpulan bahwa keureuja peuneucok suara rata-rata kajroh. Bah pih na padum boh masalah sidroe duwa ureueng nyang ngui peukateun peumilehan dan daftar peumilehan dipadum pat teumpat peuneucok suara. Mengenai peukateun peumilehan kasep lengkap kecuali lhee pat teumpat peuneucok suara di Aceh Barat dan lapan di Aceh Barat Daya. Sa per lhee dari teumpat peuneucok suara nyang disaweu pemantau Uni Eropa dimure bak poh 9 beungoh. Atoran peumilehan jipeujak deungon get lagi jroh le awak petugas teumpat peuneucok suara nyang boh atoe acara ngon serius dan ikhlas. Sifeut rahasia dari suara nyang ka teukumpoi cukup teujaga bak mandum teumpat peuneucok suara nyang disaweu. Cit saboh kasus, mandum peumileh jeut jipeudeuh kartu peumileh sigoh jak tob gamba.

Waki PANWASLIH na keuh geujak siat sigohlom atawa seulayeu na seumaweu misi bak sa per lhee teumpat peuneucok suara, bah pih teuma leumah cit gobnyan lam acara bileueng suara, utamanya di Aceh Barat Daya. Leupah rame peumileh di Aceh Barat tan na dipeureksa cap daweut bak aneuk jaroe, namun meunan, ban leuh teumeutob gamba mandum peumileh dibri tanda.

Atoran mengenai bileueng suara mandum kaget dipeujak dan hana masalah rayeuk di teumpat peneucok suara nyang disaweu. Para saksi dari calon leumah mandum meurangkapat na teumpat peuneucok suara dan mandum teurimong duplikasi dari hasee



UNI EROPA
Misi Pemantauan Pilkada
Aceh 2006/2007

peuneucok suara lagee jilakee. Namun, di Aceh Barat Daya sebahgian rayeuk hasee bileueng suara hana diumumkan teubuka ke mandum ureueng lage Pilkada putara phon. Dan lom, disebahgian rayeuk teupat peuneucok suara di Aceh Barat dan Aceh Barat Daya, suara yang sah keu tiep calon hana dikubah meusaneut, disahkan beudhiet dan diteken beujroh. Keupeuna dukongan peunyata positif dari Misi Pemantauan Uni Eropa teuntang kriban cara pembukaan, peuneucok su, dan bileueng su, dari mandum teupat peuneucok suara nyang dipantau, hana meurumpok masalah nyang that meuhalak dan resmi.

Bah pih cukup na awak petugas peumilehan dari blah ureueng inong, tapi tan meusipat pih teupat peuneucok suara nyang geumat keumudoe le ureueng inong.

Tueng keulayi peukakah peumilehan dan hasee bileueng suara dari teupat peuneucok suara di kecamatan oleh Komisi Pemilihan Umum kaleuh geupeulaku dengong bagah, meusaneut dan pah. Walao pun di Aceh Barat bileueng suara dipeujak secara teutop di tingkat gampong liwat Panitia Pemilihan Gampong (PPG)



UNI EROPA
Misi Pemantauan Pilkada
Aceh 2006/2007
